

Lyly's Lyly's

Lyly
880

№ 1377

Հ. ՍԵՆԿԵԻԻ 2

# ԳԼՊԻ ԱԹԷՆՔ

Թարգմանեց

Գիւտ քահանայ Աղանեանց

(Արտատպած „ԼՈՒՄԱՅ“ գրական հանդիսից).



Տ Փ Ն Ի Մ

Մ. Շարանիկի և ընկ. Նիկ. 21.  
III. М. Шарадзе и К°. 1896

910.4  
U-40



2013-0000

40400 40404

Дозволено цензурою Тифлисъ, 22 Декабря 1895 г.



6059

39

880-2011

н.з. 876

**ԴԵՊՈՒ ԱԹԷՆՔ.**

(Հ. ՍԵՆԿԵԻՉԻ):

յն իրենցոց քննարկնքոց լայնի ազտ ժոյժու  
 ձևովն ի վանքա ստորս ու բնույթն ընտանիք իրենց  
 -ից փրկանքով չէ բնույթն անփոխ մայրն բնամյա մազ  
 ոչ չան ի մրդաբանով մյուս փոխառած փրկանքով իրենց  
 գնացն զփոխո քանոս անկա սմանով բնույթն քննարկ  
 -ակնքոս . նուրբասն գնաց յարեղոս փրկանքոս մայ մյուսն  
 -անց փրկանքով անփոխ մայրն ձապն քննարկ  
 իր սնոցո . զգարացն քննարկն մն լայն զմոցո զքննարկ  
 անփոխար քննարկն լայնոս քննարկն քննարկովն  
 -նոցոց լայնի իր անփոխար քննարկն քննարկն քննարկն  
 -նամն ու մանկայն . մանկն լայնովն միջ ի կանոն  
 -նա իր քննարկն քննարկն իր քննարկն մանկն լայն  
 -անն ... Ստամբուլից դէպի Աթէնք ուղևորուելով Փրանս  
 սիական Donnaի շոգենաւով, ես յափշտակուեցայ մի այն  
 պիտի հրաշագեղ տեսարանով, որպիսին ես իմ կեան  
 քում չէի տեսել: Երկինքը, որ քանի մի շաբաթ  
 շարունակ ամպերով էր ծածկուած, վերջապէս բոլորովին  
 պարզուեցաւ և շիկնեց զեղեցիկ վերջալուսով: Սերձա  
 կայ ասիական փիղ լուսաւորուեց, Վոսփորն ու Ոսկեղ  
 ջիւրը մի մի ահագին ոսկի շերտի էին նմանում, իսկ  
 Պերան, Ղալաթան և Ստամբուլը, իրանց աշտարակնե  
 րով, զմբէթներով և մզկիթների մինարէներով, ոսկու  
 և ծիրանի գոյնով ներկուեցան: Գարագ իրենց ին ից  
 -ն Donnaի-ն իւր գնացքն ուղղեց դէպի Մարմարա ծո  
 վը և սկսեց թեթև ալեկոծել ջուրը, զգուշութեամբ  
 անցնելով շոգէ և առաջատաւոր նաւերի, նաւակների  
 ու մակուղիների միջով: Կոստանդնուպոլիսը Եւրոպայի  
 ընտիր նաւահանգիստներից մէկն է, և այս պատճառով  
 այդ քաղաքի ստորոտում, որ իւր բլուրների բարձուն  
 քից իշխում է երկու ծովերին, մի ուրիշ քաղաք է ե  
 ուում՝ նաւերի քաղաքը: Ինչպէս այն քաղաքի մէջ բարձ  
 րանում են մինարէներ, այստեղ էլ կայմերն են վեր

ուղղուած, իսկ սոցա վերայ բազմերանգ դրօշներն մի  
ամբողջ ծիածան: Այստեղ ևս պակաս աղմուկ չէ լինում,  
քան այնտեղ, լերան գլխին: Այստեղ էլ լեզունների, ցե-  
ղերի, մորթի, հագուստի նոյն խառնուրդն է, ինչ որ  
այնտեղ: Այստեղ կտեսնես ամեն տեսակ տիպեր, որոնք  
միայն կան աշխարհի շրջակայ երեք մասերում, անգլիա-  
ցիներին սկսած մինչև Փոքր Ասիայի կիսավայրենի բնա-  
կիչները, որոնք լցուել են մայրաքաղաքը, որպէս զի  
«թիավարի» անունով օրուայ հացը վաստակեն:

Մենք հասանք այն հրուանդանին, որի վերայ բարձ-  
րանում է Հին Սէրայը: Պերան, Ղալաթան ու Ստամ-  
բուլը սկսան ձուլուել մէկ քաղաք դառնալ, որի սահ-  
մանները աչքով ընդգրկել անհնար էր արդէն: Ոչ նէա-  
պօլը և ոչ աշխարհիս մի ուրիշ քաղաք չէ կարող հա-  
ւասարուել այս սքանչելի տեսարանին: Բոլոր նկարագ-  
րութիւնները, Լամարտինից սկսած մինչև Ամիջիսը, լոկ  
միայն մի աղօտ նմանութիւն ունին իրականութեան,  
վասնզի մարդկային խօսքը՝ միայն հնչիւն է, և՛ ոչ այդ  
գոյները, ոչ էլ այդ ձևերը, որոնք տեղ տեղ ներ-  
դաշնակ են ու օդային, տեղ տեղ հսկայական են  
ու ահարկու, նկարագրել չէ կարող նա: Երբեմնա-  
պէս ինձ թւում էր, թէ կախարդական պալատնե-  
րի մի ամբողջ քաղաք օդի մէջ է կախ ընկած, իսկ  
այդ զգացողութիւնը տեղի էր տալիս մի այնպիսի մե-  
ծութեան ու կարող զօրութեան տպաւորութեան, որ-  
պէս թէ այս քաղաքը տակաւին երկիւղ էր ազդում  
ամբողջ Եւրոպայի վերայ, կարծես թէ Սերասքերիի  
աշտարակում այժմ էլ, ինչպէս և հնում, վճուում էր  
աշխարհիս բաղտը: Մարմարա ծովից կարելի էր արդէն  
միայն ամենախոշոր շինուածքները զանազանել հասա-  
րակ աչքով, այն է Հին Սերայը, Եգիպտէի պարսպի  
մի մասը եօթն աշտարակների հետ, Սուրբ Սօփիան,

Սուլէյմանիէն և Սերասքերիի յաշտարակը: Փոքր առ-  
փոքր քաղաքի ստորոտը սկսում է ծածկուել ջրի տակ.  
ամենից առաջ չքանում է շրջապարիսպը, յետոյ ցածր  
տների շարքը, այնուհետև աւելի բարձրները, յետոյ  
մզկիթներն ու նոցա գմբէթները: Կարծես թէ քաղաքն  
ընկղմում է ծովի մէջ: Երկինքն էլ սկսում է մթագնել,  
արդէն ժանիքաւոր մինարէների վերայ միայն ընկնում  
են էլի կարմիր և ոսկե շողքեր: Կարծես թէ հազարա-  
ւոր մեծամեծ կերոններ լինին վառած աներևոյթ քա-  
ղաքի վերայ:

Այս այն րոպէն է, երբ մօլլաները դուրս են գալիս  
մինարէների փոքրիկ պատշգամբների վերայ և հաւա-  
տացեալներին աղօթքի հրաւիրելով, յայտնում են աշ-  
խարհի չորս կողմը, թէ Աստուած մեծ է և թէ աս-  
տուածային գիշերը իջնում է երկրիս վերայ:

Եւ վրայ հասաւ գիշերը, աստուածային, խաղաղ և  
աստղային գիշեր: Իսկ խորհրդածութեան միջոցն է, բայց  
որովհետև հանդերձեալ աշխարհի կամ պատերազմի  
վիճակը իսկապէս պահուած է այս դաշտավայրերի շրջա-  
կայքում, ուստի դժուարին էր ինձ խուսափել քաղա-  
քական ենթադրութիւններից: Բայց ես դոցանով չեմ  
զբաղուել, — դա լրագիրների գործն է: Եթէ իրականու-  
թիւնը նոյն իսկ խաբէ նոցա, նոքա դարձեալ հագիւ թէ  
սկսեն անբարեմիտ վերաբերուել իրանց մասնագիտու-  
թեան: Ինձ, իբրև վիպագրի, աւելի շուտով զբաղեցնում  
է գրականական կողմը, և ես շտապում եմ գօնէ մա-  
սամբ գծագրել թղթի վերայ:

Այսպէս ուրեմն, ինձ այնպէս թուեցաւ, որ վեր-  
ջալուսի այդ փայլը, այդ ծովը, պալատները և մինա-  
րէները, որոնք ողողում էին ոսկու և ծիրանու գոյնե-  
րով, մի տեսակ նոյնպէս ըհալական էին և իրական, ինչ-  
պէս նաև այն ծեր շները, որոնք խումբ խումբ թա-

փառում են Ստամբուլի փողոցներում: Բայց այնուամենայնիւ կան մի շարք գրողներ, որոնք նախադասում են ծեր շներին նկարագրել, քան ոչ նուազ ըէտլական՝ արևի մուտը, կապուտակ ծովի ընդարձակութիւնը և սրանման հրաշալի տեսարաններ: Ինչո՞ւ: Երևի թէ զանազան պատճառներ կան, բայց դոցա մէջ կայ և այն, որ գեղեցկութիւնը իւր բոլոր շուքով ձևակերպելու համար պէտք է ունենալ աւելի մեծ ոյժ, աւելի գոյներ նկարի տախտակի վրայ, քան գարշութիւնը նկարագրելու համար, և որ առհասարակ աւելի հեշտ է զգուանքը գրգռել քան հոգին:

Բայց ես ամենեւին չեմ ցանկանում բանակրել մըղել, — ես միայն նկարագրեցի իմ միտքը, իսկ այսուհետև շոգենաւիս ետեւից կլինեմ: Փոստային նաւերը, որոնք երեկոյեան դուրս են գալիս Ստամբուլից, լուսածագին հասնում են Դարդանէլ, իսկ լուսադէմին մտնում են Արքիպելագ: Մենք արդէն Դարդանէլն էինք հասել: Շոգենաւը ընթանում է նեղ անցքով, ավերի մէջ տեղից, որոնց վերայ երևում են ամրոցներ և դէպի նեղուցն ուղղուած թնդանօթների սև բերաններ: Մենք կանգ ենք առնում, որովհետև նուակը նախ քան նեղուցից դուրս գալը պէտք է իւր թղթերը ներկայացնէ և բացատրէ թէ սրտեղից և ուր է գնում: Ափը ներկայացնում է անպտուղ, դէզադէզ ժայռեր, որոնք աստիճանաբար հողմահարւում են ու փշրւում: Ամբողջ երկիրը, — մանաւանդ այդ միջոցին, երբ արևն սկսում էր ծագել և պայծառ գեղազարգել նորա բոլոր գծերը, — մռայլ էր ու ամալի: Իսկական նեղուցը նեղ է Առսփորից, անգամ Ախլաից: Աջ կողմում սպիտակին են տալիս գալլիպուլլի լքեալ, խղճուկ տնակները, — դա այստեղից էլ նկատուում է: Եւ նորից հարց է գարթնում մարդուս մէջ, որպիսին կրկնում է գրեթէ ամեն կողմ Արևելքում, —

Ռուշչուկում, Վարնայում, Բուրգասում և նոյն իսկ Ստամբուլում. թէ՛ միթէսա այն վայրն է, որի համար այնքան արևն է թափուել, որ նրանով կարելի էր այս ամբողջ նեղուցը լցնել: Միթէ այս քաղաքների համար, որոնք կիսով չափ ներկայացնում են չքաւոր ազգաբնակութիւնների բնակավայրերի աւերակներ, այս անբերրի դաշտերի ու ժայռերի համար, միլիոններ են ծախսուում, հրակայական զորաբանակներ պահուում և մեր սերնդի կեանքը անցնում է մի յուզիչ անորոշութեան մէջ, թէ երբ պիտի հասնի օրը և ժամը... Դարդանէլում աւելի, քան ուրեւիցէ, ամեն մարդ պէտք է այդ հարցը տայ ինքն իրան: Կան վայրենի տեղեր, որոնք մեղամաղձութեան տիպար են ներկայացնում, բայց մէկը չկայ, որ սորանման պարզ ասէ. ես-մարմնացած ծերութիւն եմ և քայքայումն, ես-աւերածութիւն եմ և չքաւորութիւն: Այն ինչ այս նեղուցի մէջն է այդ հարցի բոլոր էութիւնը: Խօսքը այնքան Առսփորի մասին չէ, նոյն իսկ այնքան Կոստանդնուպօլսի մասին չէ, որքան Դարդանէլի: Երկրի այս նեղ շերտը, այս ժայռուտ նրբանցքը — միակ պատուհանն ու դուռն է, որ տանում է այս կողմերից դէպի Լոյս աշխարհ:

— Երբ ևիցէ դուք կարդացել էք այն խրատների մասին, որ սուլթանները ուղարկում էին երբեմն իրանց մեծ վեզիրներին կամ զորավարներին, երբ սոքա յաղթուում էին պատերազմի մէջ. — հարցրեց ինձ անգլիացի ուղեկիցս: — Ա՛յ այս նեղուցը հէնց այդպիսի մի խրաց է. դորանով կարելի է խեղտել Սև ծովն և նոյն իսկ Կոստանդնուպօլիսը:

Մենք արդէն մտանք Արքիպելագը, այն հռչակաւոր ծովը, որի մասին հին յոյները ասում էին, թէ նաւերկնքի նման, — այնպէս է զարգարուած կղզիներով, ինչպէս երկինքը աստղերով: Երևի թէ հէնց այս պատճա-

ուով էլ նորա անունը դրել են արք-ճով: Երևացին Լէմ-  
 նոսի ժայռերը, առաջին կղզին, որ համարեա թէ գրտն-  
 ւում է նեղուցի հէնց ելքի մօտ: Մի փոքր դէպ հիւ-  
 սիս նոյնպէս պայծառ գեղգեղում էր մարգարտանման  
 Իմբրօն, միւս կողմից-ասիական փին մօտ. Տէնէդոսը:  
 Մարգարէի դրօշակը տակաւին ծածանում է այդտեղ,  
 բայց ամբողջ Արքիպէլագի վերայ իշխում է հին յունա-  
 կան աւանդութիւններն ու երգերը: Գուցէ այդ լիշո-  
 դութիւնների տպաւորութեան ներքոյ այդ փեղը նը-  
 ման չեն նորան, որ ներկայանում էր մեր տեսութեան  
 փոքր ինչ առաջ, այլ աւելի համապատասխանում են  
 այն շրջագծին, ինչ տեսակ որ երևակայութիւնը գծա-  
 գրում է յունական փեղերը: Այն ամենը, ինչ որ երևում  
 է—մերկ է և անբերրի, ինչպէս Գարդանէլի շրջակայ-  
 քը,—ոչ ծառ, ոչ մարդկանց բնակարան. գետինը գորշ  
 ձիթենու գոյն ունի, կարծես այրուած լինի և արևից  
 գունաթափ,—բայց այս ամենը գծագրուած է երկայն  
 և ուղիղ գծերով, կարծես դօրիական սկզբնական ոճի  
 տարրական օրինակներ լինէին: Բլրակները դիզւում են  
 մէկը միւսի վերայ,—տեղ տեղ երևում է գէպի վեր որևէ  
 առաւել մեծ ժայռի հեռաւոր կապոյտում հագիւ նըշ-  
 մարուող գագաթը: Այս ամենի հետ էլ անձաշակ և կա-  
 րուոր մելամաղձութիւն: Մի ժամանակ, ըստ աւանդու-  
 թեան, Լեմնոսի հրաբուլի մէջ բաղխում էին Հէփէս-  
 տոսի մուրճերը: Գուցէ հէնց այդտեղ էլ կոնց նա Ա-  
 քիլլէսի հռչակաւոր սուրը: Այժմ Մօսիբլոսի բերանում  
 հրաբուլիսը վաղուց հանգել է և միայն աւանդութիւնը  
 պահպանել է հրաբուլիսը և նոյն իսկ չաստճուն:

Աջ և ձախ-բոլորը կղզիներ են, բայց ես չեմ թուի  
 նոցա, որպէս զի ընթերցողիս ուշադրութիւնը չյողնեց-  
 նեմ: Արքիպէլագում աչքի տեսութեան հորիզոնն աւե-  
 լի մեծ է, քան եւրոպական ուրիշ ծովերում: Նոյն իսկ

ամենահեռաւոր կղզիները այնպէս մաքուր և պարզ են  
 երևում, որ կարծես թէ կարելի է որոշել ծերպի իւ-  
 բաքանչիւր խոռոչն և այն թուփերը, որոնցով ծած-  
 կուած է նոցա կողերը: Այստեղ երկնքից այնքան լոյս  
 է թափւում երկրի վերայ, որ նոյն իսկ Խալիան էլ չէ  
 կարող որևէ հասկացողութիւն տալ դորա մասին: Ծովն  
 ու երկինքը չէ թէ միայն երկնագոյն են, այլ նաև  
 վառվռուն. ուրիշ տեղերում արևը լուսաւորում է և այ-  
 րում, իսկ այստեղ նա, կարծես, թափանցում է բոլոր  
 շրջակայքում, սննդում է նորան, յագեցնում և միա-  
 խառնում է նորա հետ, ամենափոքրիկ ստուեր անգամ  
 չթողնելով: Այս պատճառով այստեղ ոչինչ բան այնպէս  
 սուր չէ գծագրում, ինչպէս, օրինակ, Միջերկրական  
 ճովի փեղի մօտ: Բոլոր տեսարանները, որոնց վերայ  
 ընկնում է արևի ճառագայթը, միևնոյն ժամանակ և  
 չափից դուրս պարզ են, և՛, չնայելով սորան, ներդաշնակ:  
 Արք-ճովը շարունակ հանդարտ չէ լինում: Նոյն  
 այն կոհակները, որոնք Ոգիսևսի նաւակը մերձեցրին ցի-  
 կլոպներին, այժմ էլ երբեմն լողում են կղզիների մէ-  
 ջերքը վախեցած ձիերի երամի նման. ալիքը շառաչում  
 է և ցայտում ձիւնի պէս սպիտակ փրփուրներով մինչև  
 փեղի մօտ գտնուած ժայռերի ամենաբարձր գագաթները:  
 Բայց այն վայրկենին, որի մասին է իմ խօսքը, կապոյտ  
 տարածութիւնը հարթ էր ինչպէս հայելին, և միայն  
 շոգեմաւի ետևից ձգւում էր լայն փրփրալից հետք: Ամ-  
 բողջ օրուայ ընթացքում հողմի չնչին նշան չերևցաւ:  
 Ծոգենաւը կարծես ընթանում էր մի լճի վերայ, ուստի  
 ամբողջ տախտակամածը լիքն էր ուղևորներով: Պակաս  
 չէր նաև բազմերանգ հանդերձները, որովհետև աթե-  
 նացի կանայք Եւալի ուրիշ գուստրներից աւելի են սի-  
 րում իւրաքանչիւր յարմար դէպքում ձգել իրանց վե-  
 րայ ինչ որ լաւ բան կայ:

Հաճոյքը տախտակամածի վերայ տևեց մինչև ուշ գիշեր: Յոյները շատ շուտ են ծանօթութիւն կապում, գուցէ նորա համար, որ բաւարարեն իրանց բնածին շատախօսութիւնը: Նոցա սիրալիութիւնը վերին աստիճան յանդուգն է, ուստի և հազիւ թէ անկեղծ համարուի: Բացի այդ նոքա առհասարակ շափազանց պարծենում են ոչ միայն իրանց անցած, այլ և ներկայ քաղաքակրթութեամբ: Ինչ էլ որ լինի, նոքա օտարականին թուում են յունական այժմեան նշանաւոր բաների անունները, որոնք որպէս թէ Եւրոպայումն էլ յայտնի են, և զարմանում են, եթէ ով ևիցէ չէ լսել նոցա մասին: Այս ու այս գեղարուեստը բոլորովին վայր ձգեց ժերոմին իւր վերջին նկարով, այս ու այս գիտնականը Պաստօրից քանի մի տարի առաջ սկսեց կատաղածի բժշկութիւնը, — որ, հարևանցօրէն խօսելով, աւելի նորանով է զարմանալի, որ այդ հիւանդութիւնը չկայ հարաւում: Այսպիսի զրոյցներ լսելով մտածում ես, թէ Աստուած երբեմն իւր գործերը կատարում էր Ֆրանսիացիների օգնութեամբ, իսկ այժմ, միայն առաւել փոքր յաջողութեամբ, օգնում է յոյներին: Եթէ այժմ աշխարհումս մի հիմնաւոր բան է կատարում, լաւ որ փնտռես-կըզբանես յոյնին:

Արքիպէլազի վրայ գիշերը նոյնքան հրաշալի է, ինչքան և ցերեկը: Այդ տեսակ գիշերները Հոմերոսն անուանում էր «ամբրոսեան»: Կղզիների ստորոտները պատած է լինում թեթև մառախուղով, սակայն լուսինը պայծառ արծաթազօծում է լեռների կատարները. երկնքում ամպի նշան չկայ, իսկ ծովը ամբողջովին երփներանգուած է արծաթեայ շերտերով: Դոցանից մէկը, ամենից լայնը, լուսնից է շողում, միւսները աստղերից: Այս երևոյթը հիւսիսում անծանօթ է, բայց հարաւային ծովերում ես յաճախ տեսել եմ այս արծաթանման

ուղիները: Մենք լողում էինք այնպիսի մի խազաղ դրութեան ժամանակ, որ պտուտակի ամեն մի դառնալու ձայնը լսելի էր մեզ: Հորիզոնի վերայ կարելի էր նշմարել մի քանի նաւ կամ աւելի ճիշտ, նոցա լապտերները, որոնք ինչպէս բազմերանդ շարժուն կէտեր կախուած էին օդում:

Այդ նաւերը մեծ մասամբ նոյնպէս մեզ նման գալիս էին Պիրէյ, ուր մենք մտադիր էինք հասնել լուսադէմին: Եւ յիշաւի, արեգակի նախընծայ ճաճանչն երևալիս շոգենաւի պտուտակը լուում է, մենք շտապով դուրս ենք վազում փախտակամածը... Պիրէյ... Ատտիկէ: Ես հաւատացած եմ, որ ամենաանտարբեր մարդն անգամ առանց յուզման չէ ոտք կոխում այդ երկիրը: Մի ժամանակ Հոովմի պապին մատուցին ամբողջ Իսլամի դրօշը, որ ձեռք էր բերուած Վեննայի մօտ, և նորա փոխարէն խնդրեցին նորանից որևէ մասունք: Պապը դեսպաններին այսպէս պատասխանեց. «Դուք ինձանից չպէտք է խնդրէք մասունք, վերցրէք ձեր հողից մի բուռն, — նա ամբողջովին շողախուած է նահատակների արիւնով»: Բոլորովին նոյնը կարելի է ասել և այդ ատտիկեան հողի մասին, որ նորա ամեն մի բուռը ողողուած է յունական մտքով և արուեստով: Դուք անշուշտ յիշում էք Պատուտի երկրորդ մասից «մայրերին», — աշխարհիս սահմաններից դուրս գոյութիւն ունեցող այս նախագաղափարները, որոնք այնքան բարձր են իրանց անորոշ միայնութեան մէջ, որ մինչև անգամ մարդ սարսափում է: Ատտիկէն ոչ անսահման է, ոչ ահաւոր, այնուամենայնիւ իմացական մայրն է բոլոր քաղաքակրթութեան: Եթէ նա չլինէր, յայտնի չէ, թէ մենք ուր կլինէինք և ինչ կլինէինք: Նա հին աշխարհի արեգակն էր, իսկ իւր պատմական անկումից յետոյ այնպիսի մի փայլուն վերջալոյս թո-

ղեց, որ նորա շուքից կարող էր մի ընդհանուր յարուցուիլ միջնադարեան խաւարից յետոյ, Ասում են՝ Ատտիկէ, փոխանակ Յունաստան ասելու, որովհետեւ ինչոր Էլլադան էր ամբողջ աշխարհի համար, նոյնը Ատտիկէն էր Էլլադաի համար: Միով բանիւ, մենք իջանք ցամաք և մեզ գտանք աղբիւրի մօտ:

Միւս քաղաքակրթութիւնները, դրացի ասիական և աֆրիկեան ցամաքների վերայ, ուրիշ ազգերի մէջ, հրէշութեան հասան, — միայն ատտիկեանը մնաց մարդկային. Նոքա չքացան զանազան արտակարգ երեւակալական ցնորքների մէջ, — իսկ սա միայն գիտութեան և արուեստի հիմք ընդունեց ընդհանուր աշխարհը, իսկ հետը միասին այս պարզ-բնական տարրերից գիտեցաւ ստեղծել ամենամեծ չափակցութիւն. համարեան աստուածային ներդաշնակութիւն: Նա գիտեցաւ աստուածայինը լինել, չգաղարելով մարդկայինը լինելուց և սա բացատրում է նորա նշանակութիւնը:

Այն վայրկենին, երբ ես ուք դրի ցամաք, երկրնքում բացուեց «վարդաճաճանջ» արշալոյսը: Պիրէյից Աթէնք կարելի է գնալ երկաթուղով, բայց աւելի լաւ է կառք վերցնել և տեսնել այն ամենը, ինչ որ կհանդիպի կէս ժամուայ ճանապարհի ընթացքում:

Ճանապարհը Պիրէյից սկսած, որի երկու կողմերում տնկուած են սարոյ (platans) կոչուած ծառերից, ընթանում է այսպէս անուանած ատտիկեան հովտի միջով, որ ոռոգւում է, կամ աւելի ուղիղն ասած, կարող էր ոռոգուիլ Կէֆիզից: Այստեղ ամեն մի յատուկ անուն արձագանք է յարուցանում և պատմական յիշատակներ յիշողութեան մէջ: Եթէ այդպէս չլինէր, Կէֆիզը մեծ յարգանք չէր ազդի. Լեհաստանում կամուրջներ կան, որոնք իսկապէս չկան, — Կէֆիզն այնպիսի գետ է, որ իրօք նոյնպէս չկայ, այսինքն նորա չորացած և այ-

րուած տաշտի մէջ մի կաթիլ ջուր չէ հոսում:

Այն դաշտավայրը, որով մենք գնում էինք, — նեղ էր: Զախ կողմը, Էլէվզինի ծոցի ուղղութեամբ, երևում են Իափնի և Պօիկիլէն լեռները, աջ կողմը՝ մեղրահոս Հիմէտը և Պէպտէլիկոնը, որը այժմ էլ, ինչպէս և հընում, մեծ քանակութեամբ մարմար է մատակարարում Աթէնքին: Այդ երկիրը կարծես արևի կայարանն է, ամայի և անպտուղ: Իաշտերը, բլուրներն ու ժայռերը մոխրի գոյն են տալիս, վերին աստիճանի քնքոյշ բաց կապուտի խառնուրդով: Սա այն գոյնն է, որ ամեն գոյնին շուք է տալիս ինչպէս կղզիների, այնպէս էլ ցամաքի վերայ:

Ճանապարհի կիսում ձիթենու փոքրիկ անտառն էր կարծես մոխրով է ծածկուած: Իսկ այս ամենի վերայ կապոյտ անամպ երկինքը, ոչ այնպէս խիտ ինչպէս Իտալիայում, դորա փոխարէն, ինչպէս արդէն ես յիշեցի, հարիւր անգամ աւելի լուսազեղ նորանից: Գետինը կարծես թէ մէկի ձեռքով աւերուած լինի: Ժայռերը հողմահարում են, փշրտում են և քանդում: Այս ամենը շրջակայքին փլատակների ու անապատի տեսք է տալիս: Բայց այնուամենայնիւ սիրուն է... նորան սազ է գալիս թէ այս խաղաղութիւնը, թէ զառամելութիւնը, ձիթենու անխօս ծառատունկերն ու անբերրի ժայռերը:

Գլխաւոր ուղին հասնում էր մինչև երկաթուղու կայարանը, որ Հերմէսի փողոցի ծայրին է գտնուում. բայց, քաղաքին չհասած, մենք թեքում ենք դէպի աջ և մտնում ենք ծառուղին, որի այս և այն կողմը տնկուած են պղպեղի ծառեր: Սեր ուշքը գրաւում է մի ուղղահայեաց ժայռ մի շարք դեղնագոյն սիւներով, որոնք միաւորուած են ճղքճղքուած քովթարներով (Architrave): Այս բոլորը, կարմրատակած արշալուսի ճա-

ճանչների շնորհիւ, արտասովոր պարզութեամբ և զեղեցկութեամբ նկարուում էին կապոյտ երկնքի մակերևոյթի վրայ, — որ ծաւալով առանձին մեծ չէր, բայց մեծերից մեծն էր կազմում ըստ ներդաշնակութեան, — պարզապէս ասած աստուածային էր: Կառավարի մօտ նստող թարգմանը դառնում է զէպի մեզ և ասում:

— Ակրօպօլիսն է:

Մեզանից ոչ հեռու, Կէրամիկի վերայ, բարձրանում է Թէզէոսի տաճարը, որ հին աշխարհի բոլոր յուշարձանների մէջ ամենից լաւ պահպանուածն է: Այնուհետև ամեն մի քայլափոխին տեսնում ես որևէ մնացորդներ. պելագոսեան պարիսպներ, Պնիկսի ժայռը, Սոկրատէսի այրը և ուրիշ քարայրեր, որոնք ժայռերի բարձունքից ցերեկուայ լուսի տակ ցած են նայում իրանց մուսլ բերաններով: Նոյն իսկ լեռան ասի փոքրիկ լեռնաշղթան ծածկում է Պարթէնոնի դիժը, — բայց միևնոյն ժամանակ մի ամբողջ քաօս է բացում Օդէօն իւրօրի և Բագոսի թատրոնի աւերակների տեսարանների: Աչքը մի տեղից միւսն է վազում, երևակայութիւնը գործում է, ցանկալով նոր կեանք շնորհել հանգած կեանքին, միտքը չէ կարողանում այդ բոլորն ընդգրկել, և ակամայից բաւականանում ես տպաւորութիւնների հասարակ ըմբռնումով: Զգում ես միայն, որ չիւրաւի արժէ այստեղ գալ, որ այստեղ չպէտք է Բէզէքերը ձեռքիդ ձեռաց վեր ու վայր նայես և փափազես շուտով հիւրանոցը դառնալ: Բայց կառքը արագ սահում է այս կիսա-աստուածեղէն ժայռերի մօտից և մենք յանկարծ տեսնում ենք մեզ նոր քաղաքում, նոր Աթէնքում:

Իօսենք նախապէս դորա մասին, նախքան կերթանք Ակրօպօլիս: Ես եկայ այստեղ, այնպէս սովոր արևելեան ցեխին,

մանաւանդ Ստամբուլի ցեխին, որը մարդու նեարդերի ոյժից վեր է, որ ամենահաճոյ հիասթափութիւն կրեցի: Ամենից առաջ, ճշմարիտ չէ, որ Աթէնքում այնչափ կանաչ կայ, ինչքան կանաչեղէն մօտ կրերեն քեզ ճաշի ժամանակ, գուցէ այն պատճառով, որ կանաչը շատ քիչ է այդ կողմերում, քաղաքն ամեն ջանք գործ է դրել, որպէս զի իւր հրապարակներն ու փողոցները ծառերով զարդարէ: Ես քաղաք մտայ Ակրօպօլիսի և Ոլիմպիօնի մօտից, Պանէլինեան ծառուղիով, որ մի խիտ կանաչ ժապաւէնի է նմանում: Պղպեղի ծառերը, իրանց պայծառ կանաչ շքեղ տերևներով չիշեցնում են արտասուող դուինները և ծառուղիին մի տեսակ գարնան տեսք են տալիս: Ամեն կողմ պարտէզներ, իսկ պարտէզներում արմաւենիներ, սև կաղնիներ, կակտուսներ ալօէներ: Ճշմարիտ է, այս բոլորը ծածկուած են սև փոշիով, որոնք փոխադրւում են այստեղ ժայռերից և աւերակներից, կարծես այս հանգուցեալները ցանկանում են ասել իւրաքանչիւր կենդանի արարածին. «հող էիր և ի հող դարձցիս», — բայց այստեղ ևս կարելի է գտնել թէ ստուեր և թէ զով: Բաղաքի բոլոր փողոցները լայն են, տները մեծ-մեծ, աչք կուրացնելու չափ սպիտակ, մարմարով շքեղ զարդարուած, որ մինչև այժմ ըստ ստանում են Պէնտէլիօնի մերկ կողքերից: Այստեղի շինուածքները զուրկ չեն ոչ զեղեցկութիւնից, ոչ թեթևութիւնից, — բացառութիւն է կազմում միայն արքայական պալատը: Սորա պատերն էլ պէնտէլիօնեան մարմարից են շինուած, բայց ոճը ծանր է, զօրանոցաւ ձև, և պալատը ոչ թէ միայն չէ զարդարում Օրէնսդրութեան գլխաւոր հրապարակը, այլ ուղղակի տղեղացնում է նորան: Ճշմարիտ է, պալատի ետևը, մէկ կողմից, իսկ և իսկ սքանչելի արքայական պարտէզ է գրցած, բայց միև կողմից առջևի կողմը մինչև քաղաքա-

յին ծառատունկը ձգւում է կատարելապէս աւագուտ մի ա- նապատ: Որպէս զի ոչ մի բան չխանգարէ անապատի տպաւորութիւնը, նորա վերայ բարձրացած են անհա- զին արմաւենիներ, որոնք պարզ դուրս են ցցուած ա- լազի գորշ մակերևոյթի վերայ: Ինչևիցէ, բայց Աթէն- քը մաքուր և կատարեալ եւրոպական քաղաք է, որ միայն շինուած է գիւրահասկանալի կշռադատութիւն- ների ազդեցութեան տակ, հին յունական ճարտարապե- տութեան օրինակով, և այս տալիս է նորան մի հոյա- կապ տեսք: Ամեն կողմ հանդիպում ես դօրէական, յօ- նիական և կորնթական սիւների, գօտիների (Frise), ո- ռոնց մարդը սկսել է շինել և աւարտել է արեգակը: Համալսարանը և մանաւանդ գեղարուեստից ճեմարանը իւրեանց ներդաշնակ ձևերով յունական հոյակապ տա- ճարների նմանութիւն են բերում:

Կամարակապ սրահի մօտ երկու սիւն է կանգնած պէնտէլիոնեան մարմարինոնից, ոսկեզօծ թակաղակնե- րով (abaque): Մէկի վերայ կանգնած է հսկայական Ա- թենաս-Պալլասը սաղաւարտը գլխին և աղեղը ձեռին, միւսի վերայ—նոյնպիսի հսկայածև Ապօլլօնը քնարով: Գիշերը, լուսնի լուսի տակ, այս արձանների մարմա- րինը բացկանաչ է թւում և այն աստիճան կախար- զական-թեթեւ, կարծես թէ հենց այն է երկրից դէպի վեր պիտի սլանան: Գուցէ մասնագէտ ճարտարապետը որևէ պակասութիւն գտնի այս շինուածքների ձևի մէջ, բայց, ինչ էլ որ լինի, նոքա իմ տեսածների մէջ այդ քաղաքի ամենագեղեցիկ տեսարաններից մէկն են կազմում:

Քաղաքի ամենահարուստ մասը, այսինքն Օրէնս- զրական հրապարակի և արքայական պալատի կողմ գտնուածները, այնուհետև Պանէլիոնեան ծառուղին, Համալսարանական ծառուղին, Ստադիօն փողոցը և ու-

րիշ շատերը մինչև նոյն իսկ Համաձայնութեան հրա- պարակը, կառուցել են Ստամբուլեան Յանարի, Օ- դեսասի, Մարսէլի և նաւահանգստային ուրիշ քաղաքնե- րի հարուստ յոյները: Այս մարդիկ, յունաց բնածին ա- ոււտրական ընդունակութեամբ, միլիօններ են վաստա- կել, բայց նոցա չպէտք է մեղադրել, նոքա չեն կորց- րել դորանով իրանց յունական հոգին: Օդեսասիի կամ Մարսէլի վաճառականը, որ իրան կարող էր Միլ- տիադի սերունդը համարել և մատնանիշ անել Մարա- թօնի վերայ, Լէոնիդի սերունդ համարել և ցոյց տալ Թէրմօպիլէն, Թիդէի կամ Ապէլլէսի՝ և իրեն վկայ կան- չել Ակրօպօլիսի աւերակները,—իւր ետևն ունէր այն, որ ոչ մի կերպ գրամով չէ կարելի ձեռք բերել: Եւ ահա, այս փառաւոր անցեալի և նորա յիշատակութեան շնոր- հիւ, ամեն կողմից միլիօններ թափուեցան Աթէնք, վայրենի անձաւների մէջ երկաթուղիներ ու խճուղիներ ձգուեցան, վայրենի պալիկարներով բնակեցրած քաղաք- ներում դպրոցներ կանգնեցան, իսկ հին Աթէնքի աւե- րակների վերայ—կառուցաւ նոր Աթէնքը:

Այստեղի առևտրականներն ու վաճառականները կենում են գլխաւորապէս Հերմէսի փողոցի երկայնու- թեան վերայ, որ, ինչպէս յայտնի է, տակաւին Զևսի ժամանակ առևտուրի հովանաւորողն էր: Առհասարակ քաղաքի ամբողջ ներսի մասը, դէպի Հար և Կէրամիկ, նորա խնամատարութեան տակ է դտնուում: Այստեղ է և շուկան, որ յիշեցնում է արևելեան միւս շուկաները. այստեղ է խմբուած շարժուն ամբօխը, որոնք այնպէս ամուր շարժում են իրանց ձեռները և այնպէս բարձր են խօսում, կարծես թէ ուզում են ամեն անցորդի խը- լացնել: Կեանքն և առուտուրը փողոցներումն է կենդ- ռոնացած, ինչպէս առհասարակ արևելեան քաղաքնե- րում. երեկոները, երբ ցերեկուայ շոգը քիչ մեղմանում



880 2011

է, շարժողութիւնը առաւել զօրանում է: Խանութները բաց են լինում մինչև կէս գիշեր: Գազային լապտերների պայծառ կրակները լուսաւորում են ապրանքների պահեստները, պատուական խաւարտներն ու ծաղիկները: Սակայն չորս ժամից սկսած փողոց են դուրս գալիս և քաղաքի առաւել հարուստ մասի բնակիչները: Ստադիօնը, ուր իմ կացարանն էր, — նորասէրների զբօսավայրն է. նոր սալայատակների վերայ դժուար է շարժուել, իսկ փողոցի մէջ տեղը կառքերը միմեանց ետևից են շարուած: Կանայք առհասարակ քիչ են, քան այր մարդիկ, մանաւանդ ոտով մանեկողներից: Գուցէ սա արևելեան ազդեցութիւնների մնացորդ է, բայց կարելի է կանանց տանը փակելու սովորութիւնը նորագուել է և աւելի արմատացել դեռ տաճկական տիրապետութեան ժամանակից, երբ նորատի կինը առանց վտանգի չէր կարող երևալ բիմփաշաների և բէյերի աչքերին: Կանացի գեղեցիկ դէմքեր քիչ կան: Տիպերը առտուել նման են հայկականին, քան յունականին: Փրինի և Լայսի ժամանակները վաղուց անցել են և ոչ մի արէօպագանմեղադիր չէր թողնի այժմեան յոյն կնոջ նորա գեղեցկութեան առթիւ: Ես կարգացել եմ, որ Մէգարի և հին Լակոնիայի, ինչպէս նաև քանի մի կղզիների բնակչուհիները մինչև այժմ պահպանել են հելլենական գեղեցկութեան հին տիպը, բայց Մէգարում ես այդ չնկատեցի, իսկ Էվբօտի ափերին, նոյնպէս և կղզիներում, չեմ եղած:

Գորա փոխարէն այր մարդկանց մէջ շատ դէմքեր կան և գեղեցիկ և վայրենի միւսնոյն ժամանակ: Ի հարկէ, պայծառ դանդաղ հեր Աքիլէսը նման չէր այժմեան տիպին, բայց Կանարիսը կարող էր նմանուել: Այստեղ շատերը դեռ ալբանական զգեստ են կրում, որ բաղկացած է ֆուստանէլիից, այսինքն սպիտակ, գրեթէ մին-

չև ծնկները հասնող ներքնազգեստից, Փէսից և մետաքսով կամ ոսկեթելով հարթակար կապալից: Ազգըների շուրջը պատում է գօտին, որի մէջ երբեմն թրերի և տորճանակների մի ամբողջ զինանոց կար խլրուած, իսկ այժմ ամրացած է թաշկինակը: Չնայելով նորան, որ թաշկինակը ներկայանում է իբրև մի աներկբայելի յառաջդիմութիւն առաջուան ժամանակների հետ համեմատած, ֆուստանէլլա կրող մարդիկ կատարեալ պահպանողականներ են և արևմտեան ազդեցութեան հակառակորդներ: Այս պալիկարների նման են հագնուած ամբողջ զօրագնդեր, և սա բոլոր քաղաքին մի ինքնուրոյն տեսք է տալիս: Գիւղերում ապրող յոյները, չնայելով աւաղակային միտումներին, որոնք կարծես ամեն տեղ չեն անհետացել, ազնիւ են, աշխատասէր և միանգամ տուած խօսքին հաստատ. իսկ ինչ վերաբերում է քաղաքացիներին, նոցա համբաւը յայտնի է ամբողջ աշխարհին: Մօտ մի ամիս ապրած լինելով նոցա հետ, ես չեմ կարող այս մասին խօսել իմ անձնական գիտողութիւններով, բայց այս կարճ ժամանակամիջոցն էլ բաւական էր նկատելու, որ ոչ մի ուրիշ քաղաքում ոչ վաճառականները, ոչ հիւրանոց պահողները, ոչ ուղեկիցները, ոչ սեղանաւորները — իրանց աղնութեան մասին այնքան շատ չեն խօսում, ինչքան Աթէնքում: Այս կարծես մի փոքր կասկածելի է:

Նորագոյն ճանապարհորդները, որոնք երկար են մնացել Յունաստանում: կամ նոքա, որոնք քիչ են մընացել, բայց աւելի մեծ վստահութիւն են ունեցել, բոլորովին անյաջող դատավճիռ են կարգում նորագոյն յոյների համար:

Նորերումս վախճանած Էդմօնդ-Աբուն գրել է Յունաստանի մասին մի թոյլ, բայց հետաքրքրական գրքոյկ, սրամիտ նկատողութիւններով լի: Չարալեզու «Վօլտէրի

Թոուր», այսպէս էին անուանում նորան, չնայելով որ ջանացել է կրքից հեռու մնալ, վերին աստիճանի խիստ է վերաբերում դէպի հին աթենական դէմոսի սերունդները: Նորա կարծիքով, այժմեան յոյները իրանց խաբելու արուեստով կարող են ամօթ բերել և իրանց նախահաւ Յուլիսին, և նորա հովանաւոր Աթենաս-Պալլասին, և հին կրէտացիներին, որոնք, Էպիմէնիդի խօսքերով, այնքան յառաջադէմ էին այդ արուեստի մէջ: Բացի գորանից, նոքա այնչափ ազահ են, որ անհնար է նկարագրել, ուրիշ ազգութեան պատկանող մարդոց հետ կառավարում են այնչափով, որչափ որ նոցա կարելի է քամել: Քաջութեան տեսակէտից Կանարիսը, Աբուի հաստատելովը, բացառութիւն է կազմում, ուստի և յոյները նորա մասին խօսելիս ձայնը բարձր են հանում: Աբուսն առաջ է տանում իւր խօսքը և ասում է, թէ նոքա միշտ վախկոտ են եղել, մինչև անգամ Տրոյիայի պաշարման ժամանակ: Ոչ ասպետական զգացմունք, ոչ ճշմարտութիւն մի դանկի չափ չկայ նոցա մէջ, բայց նոքա կուրօրէն յարգում են ամեն տեսակ ոյժ և ի հարկէ, սորան համապատասխան, արհամարհում են անգօրութիւնը, աղքատութիւնն ու թուլութիւնը:

Հազարաւոր անեկոտներ թուում նա առաջ է բերում և մէկը, որ և ես թոյլ եմ տալիս ինձ կրկնել, մանաւանդ, որ նա հենց մեզ է վերաբերում:

Այն մըրկից յետոյ, որ 1848 թուին ցնցեց Հաբսբուրգեան իշխանութիւնը, մի բուռն լեհացիներ բռնակուեցան Աթէնք: Այս մարդիկ սովից ու տենդից մեռնում էին, որովհետև Աթէնքի կլիման վնասակար է օտարերկրացիներին: Սակայն և այն փշրանքներն անգամ, որ թափւում էին նոցա առաջ, յոյների կոկորդում ինչպէս ոսկոր էին դէմ ընկնում: Նոքա խեղճերին վերաւորում էին ամեն քալլափոխում, մենամարտի էին

դուրս կանչում և չէին երևում նշանակածտեղը: Բայց մի անգամ Աթէնքում հրդեհ պատահեց, որ ամբողջ քաղաքին սպառնում էր: Յոյները վազում էին ամեն կողմից, որ կրակին նայեն, մեծմեծ խօսեն և դուրս տան, — լեհերը (խեղբեմ միտներդ պահէք, որ ես Աբուի խօսքերն եմ կրկնում) ընկան բոցի մէջ և իւրեանց կեանքը վտանգի ենթարկելով հանգրըն կրակը:

Իսկ այժմ թող մէկը գուշակէ, թէ ինչ պարգև ստացան նոքա:

Նոցա պատուիրեցին Յունաստանից հեռանալ: Լեհերի հետ այսպէս վարուեցան այն պատճառով, որ հրդեհից յետոյ նոքա հուշակուեցան յոյների շնորհիւ, որ նոցա վարմունքն ամբողջ Եւրոպայում տարածուեցաւ, իսկ այս կարող էր ընդհանուրի ուշագրութիւնը դարձնել, իսկ գուցէ և մի դիւանագիտական թուղթ դուրս կորդէր աւստրիական կառավարութիւնից, որ այդ միջոցին շատ վատ էր տրամագրուած դէպի լեհացի պանդուխտները: Եւ այս բոլորովին բաւական էր:

Եթէ Աբուի խօսքերը ճշմարիտ են, — իսկ նա երբէք այնքան բարեկամ չէ եղել մեզ, որ այն տեսակ անէկոտներ հնարէ, որոնք մեզ մեծացնելուն ծառայեն, — այն ժամանակ պէտք է խոստովանել, որ տրամաբանութեան հնարողի սերունդները չեն դադարել տրամաբանօրէն լինելուց, ինչպէս ինքը Ստագիրիտն էր, սակայն Արիստիդէսի աւանդութիւնները անհետ կորել են նոցանից: Այնուամենայնիւ այն բանի մէջ, ինչ որ յոյների մասին ասում է վերը յիշած հեղինակը, ինչպէս նաև ուրիշ շատերը, անկասկած ծածկուած կան շատ չափազանցութիւններ, իսկ գուցէ և աւելի շատ թիւրիմացութիւններ: Ամենից առաջ, իւրաքանչիւր այդպիսի ճանապարհորդ բերում է այստեղ իւր հետ արդէնպատրաստի էտիքական մի չափ, շատ ընդարձակապէս որով



Տեսնե նա մշակուել է արեւմտեան քաղաքակրթութեան  
 և նորա նրբացած բարոյակրթութեան ազդեցութեան  
 տակ: Եւ ահա մի տեսակ արշինով էլ չափում են հասարակութիւնը, որ դեռ մի փոքր առաջ ակամայից ընդունուեցաւ, իսկ և իսկ ամօթալի և գայթակղելի մի չափ, և դեռ չափում են սառնասիրտ կերպով, որովհետեւ գործը վերաբերում է ոչ թէ իրանց, այլ ուրիշներին: Մտածում են նոյնպէս, որ ինչպէս, օրինակ, ազնուութեան և ասպետական պահանջների մասին հասկացողութիւնը օտար էր հին աշխարհին, ճիշտ այնպէս կարող էր գոյութիւն ունենալ բարոյական հասկացողութեանց մի ամբողջ աշխարհ, որ օտար է արեւելեան ազգերին, որ այս ազգերը, մանաւանդ յոյները, բարբարոս ցեղերից նուաճուելով, չունէին, իսկապէս ասած, երկար ժամանակ ոչինչ հասկացողութիւն, այլ իրանք դեկավարուում էին,—որովհետեւ պէտք է մի բանով դեկավարուէին,—միայն ինքնապաշտպանութեան գազանային բնազդումներով: Այս բնազդումը համապատասխանում է իրերի տուած դրութեան և վճռում էր ինչպէս էտիքայի, այսպէս նաև լօգիկայի խնդիրները:

Վայրենի ազգերը ամենուրեք միատեսակ են: Երբ մի քարոզիչ պահանջեց մի նորադարձ նեգրից, որ նա մի օրինակ բերէ իրան այն բանի, ինչ որ նորա հասկացողութեամբ չար բան է համարում, նեգրը մտածեց մտածեց ու այս պատասխանը տուեց.

— Եթէ մէկը կինս գողանայ,— դա չար բան կլինի:

— Շատ լաւ,— ասաց ուրախացած քարոզիչը:— Իսկ այժմ մի օրինակ բեր ինձ բարութեան:

Վայրենին մի բոպէ էլ չմտածեց:

— Իսկ բարի բան է,— եթէ ես մէկի կինը գողանամ:

Այսպէս է վայրենի կամ վայրենացող ժողովրդների ամբողջ լօգիկան:

Եւ այս լօգիկան ընդարձակ կերպով տարածուած է Արեւելքում:

Բայց հանգիստ թողնենք յոյներին: Պէշելի հին անեկզօտը ես նորա համար բերի, որ այդպիսի լօգիկայի արձագանքները լսում ենք և մասնաւոր ու հասարակական կեանքում: Նա հետզհետէ աւելի ու աւելի մեծ ձայն է ստանում, սպրդում է լրագիրների էջերը, աճում է ինչպէս նեղուցի ալիքները, օրէցօր մեծացնում է այն անդունդը, որ կայ չարի և բարու մէջ, արդարութեան և անարդարութեան մէջ, անգամալուծում է ուղղուելու ընդունակութիւնը, խանգարում է և դէպի կատարեալ խաւար է տանում հասարակական կարծիքի բարոյական ունակութիւնները, որ վերջի վերջոյ չգիտէ կամ, աւելի ճիշտ, չէ ցանկանում գիտենայ, թէ ում ետեւից գնայ և ում վերայ գրոշմէ նախատինքի կնիքը: Այժմեան աշխարհը չէ կարելի վայրենի անուանել, բայց գուցէ մի յայտնի տեսակէտից, նա վայրենանում է:

Աբուլս իւր գիրքը գրեց երեսուն տարի սրանից առաջ: Այժմեան յոյն սերունդը այդպէս չէր վարուի, որովհետեւ նա քաղաքակրթութեամբ է այս բառի լաւ նշանակութեամբ: Վերածնուած, երիտասարդ, եռանդով լի, նա մշակում է և աստիճանաբար կատարելագործում է իւր մէջ հօգու բոլոր կողմերը, իսկ 'ի միջի այլոց և բարոյական ունակութիւնները: Հաւասարակշռութիւնը դեռ խախտուած չէ այնտեղ: Նա այլ ևս վայրենի չէ, նորա երեսին արդէն ամօթ կայ:

Բայց և բացի դորանից, դեռ մի մեծ առանձնատակութիւն էլ կայ, որին ոչ ոք կարող չէ խլել այժմեան յոյներէց, դա հայրենասիրութիւնն է, և այս հայրենասիրութիւնը նոյնպէս հիմնում է դէպի հին Եւրազան ունեցած սիրոյ վերայ, ինչպէս և դէպի նորը:

Բանը նորանում չէ, որ աւանդութեան թելն այս-

տեղ արհեստական կերպով է կապուած, նորանում չէ, որ գիտնականները պնդում են, թէ այժմեան յոյների երակների մէջ հոսում է միայն մի կաթիլ իրանց հելլենական նախնիների արիւնից, այլ իրօք նոքա ներկայացնում են մի խառնուրդ գանազան ազգութեանց ստրուկների, ալբանացիների և սլաւոնների: Յոյները, ինչպէս այդ երկրի ժառանգներ, ցանկանում են և նորա աւանդութիւնների ժառանգորդը լինել: Այս պատճառով նոցա հայրենասիրութիւնը-այն տեսակ բոյս չէ, որի արմատները երկրի մակերևոյթի հետ են միայն կըպաճ, — նա խորը արմատ է գցած և անդրդուելի ոյժ ունի: Ոյժ ունի նորա համար, որ պատմական մնալով և հետը միասին ցանկալով յառաջադիմել, նա հասկանում է, որ իւր գոյութեան խորհուրդը, կենսատու աղբիւրը-այնտեղ է, Ակրօպօլիս...

Մենք էլ գնանք Ակրօպօլիս, որովհետև այդ աղբիւրից ամեն մէկը կարող է մի բան օգտուել, ամբարելով գոնէ գեղարուեստական տպաւորութիւններ:

Ատտիկեան բոլոր հարթադաշտը այնպէս փոքր է, որ նաւորդները, որոնք կանգ են առնում Պիրէյում միմիայն վեց ժամ, հնար են գտնում դալ այտեղ, տեսնել սրբազան ժայռը, Օլիմպիան Իւպետէրի և Թէգէոսի տաճարները, և ժամանակին հասնել շոգենաւին: Ես երեք շաբաթ միջոց ունէի, — ուրեմն ժամանակ ունէի ոչ թէ գիտնական հետազօտութիւնների, այլ լոկ դիտելու համար: Սակայն աւելի հեշտ է Օրէնսդրական հրապարակից մինչև Ակրօպօլիսը անցնել, քան նկարագրել: Բայց ես հէլլենագէտ չեմ, ես լոկ ուզում եմ արձանագրել իմ տպաւորութիւնները, և ոչ թէ ընդարձակ նկարագրութիւն անել հնութեան յիշատակարանների, — նոցա մասին առանց այն էլ ամբողջ հատորներ

կան գրած-պտուղ նստակեաց և երկարամեայ աշխատանքների:

Ոլորապտոյտ ճանապարհը անցնում է լերան ստորոտով, ուր բուսած են ագաւենիներ և կակտուսներ: Առջևս և վրայիցս տեսնում եմ միայն մի հսկայական պատ, որ մասամբ հին հէլլենական ծագումն ունի, մասամբ հռովմայեցիներից և անգամ թիւրքերից է շինուած: Ժայռերի միջանցքներից երևում են տաճարի եռանկիւնի տանիքները: Երբ ես անցնում էի, շուրջը ամայի էր, կենդանի շունչ չկար, կէսօր էր և սարսափելի շոգ, չնայելով, որ արդէն նոյեմբերի առաջին օրերն էր: Կողքի դռան մօտ նիրհում էր մի ծեր գինուոր, անցնում եմ նորա մօտից և դիտում եմ այն տնակը, որի մօտ դիզուած է մարմարինի կտորտանքի մի կոյտ: Ուղին դարձեալ մի անգամ պտտուում է, ես բարձրանում եմ սանդուխտներով և ինձ գտնում եմ Պրօպիլէյում, որտեղից քո հայեացքի առաջ բացուում է ամբողջ վերին հրապարակը: Առաջին տպաւորութիւնը. — աւերակ, մեռելային լուրթիւն, մահ: Պրօպիլէյի արտաքին դօրիական և յօնիական ներքին սիւներից մի քանիսը կանգուն են մնում միայն իրանց քարերի ծանրութեան շնորհիւ. պատերը ճղքճղքած, ծակծկուած, որւնց միջից ներս էր թափանցում լոյսը, խորտակուած: Փառաւոր դռան ետև մի թիղ ազատ տեղ չկայ: Այնտեղ դիզուած են պատերից թափուած սիւների, գօտիների, խոյակների կտորտանք և քարեր: Այս բոլորը, բացի քանի մի տաճարներից, թափուած է մէկը միւսի վերայ, ամեն ինչ թափթփած է այնպիսի վայրի անկարգ դրութեան մէջ, որի մասին նոյն իսկ հռովմէական հրապարակը չէ կարող ամենափոքր գաղափար տալ: Ճանապարհորդին այնպէս է թրււում, թէ այտեղ տեղի է ունեցել հսկաների մի զարհուրելի ճակատամարտ, հսկայական ոյժերի շփումն, որից

լեռը ճղքուել է, պատերը քանդուել են, վերջապէս փուլ է եկել ամեն ինչ և միայն աւերակներն են մնացել:

Այսպէս ուրեմն, առաջին տպաւորութիւնը, որ ստանում ես Պրօպիլէյն անցնելիս, աղէտների տպաւորութիւնն է: Այնտեղ ակամայից դանդաղ ես առաջ գընում, որովհետեւ բոլոր շրջապատողներն այն աստիճան մեռելային տիպ են կրում, որ քո իսկ կեանքը, քո սեպհական շարժումներն էլ մի տեսակ օտարոտի են թւում և անհամապատասխան այդ վայրին:

Եթէ մի ծանօթի ես պատահում այդտեղ, նորա հետ չես էլ ուզում խօսել, այլ միայն հարցական մի հայեացք ուղղել նորա աչքերին, նստել մի ստուերի տակ և հետեւել թէ ինչպէս արեւը իւր ճառագայթներով ջերմացնում է աւերակները:

Ես արդէն ասացի, որ այդտեղ լոյսը չէ մտնում, այլ թափւում է հոսանքներով, մանաւանդ կէսօրին: Եւ կարող էր այնպէս թուալ, որ այդ ջերմ, կենդանի հոսանքը մի տեսակ հակապատկեր է ներկայացնում այդ աւերակին, ամայութեան, այդ մեռելային լուսութեան: Բայց չէ: Աւերակն էլ, ամայութիւնն էլ դորանով աւելի մեծ, համարեա՛ խիստ տպաւորութիւն են ստանում: Նստած ես, նայում ես Պարթէնոնի և Էրէխտէյօնի արևից ջերմացած մարմարիօնին, և վերջապէս մէկ ինչ որ դուրս է գալիս աւերակների միջից, մօտ է գալիս և մտնում է քո մէջ: Եւ դու լաւ ես զգում քեզ, որովհետեւ խաղաղութիւն է իջնում քեզ վերայ, բայց այնպիսի ուժգին խաղաղութիւն, որ ունին միայն քարն ու փլատակը:

Ես կարծում եմ, որ ում հոգին աւելի շատ է տանջուել, նա իրան լաւ պիտի զգայ այստեղ: Մարդ ուզում է գլուխը գնել սեան չորեքկուսի մոյթին, փոխփոխ մերթ գոցել, մեր բանալ աչքերը, — և հանգիստ

վայելել: Այս ամենը աւելի ու աւելի ընտանի են դառնում, յոգնած ճանապարհորդն աւելի բարեկամաբար է նայում Պարթէնոնի այս յանդուգն գծերի, սպիտակ Էրէխտէյօնի, ցածրում ընկած Պրօպիլէյի վերայ: Պէտքէ տեսնել հասկանալու համար, թէ ինչպէս այս հնութիւնից ոսկիացած շինուածքները գեղազարգւում են արևի և կապոյտ երկնքի տակ, ինչպիսի հանգստութիւն է շնչում այդ քովթարներից, սիւների և պսակների այդ շարքից: Պարզութիւն, խաղաղութիւն, վեհութիւն և գրեթէ աստուածային ներդաշնակութիւն: Միանգամից դժուար է այս նկատել, կախարդանքը ներգործում է սակաւ առ սակաւ, բայց նոյնքան էլ ուժեղ է թափանցում սրտի մէջ և լցնում նորան զմայլումով: Եւ զգում ես դու, ով ուղևոր, որ ոչ թէ միայն հանգստութիւն շնորհեցին քեզ արուեստի այս սքանչելի կերտուածները, այլ և մասը հանեցին քեզ իրանց գեղեցկութիւնից:

Ահա այն տպաւորութիւնները, որ ստանում ես Ակրօպօլիսի միջովն անցնելիս: Երբ դու այնտեղ ես գտնուում, մտքովդ էլ չէ անցնում Բէզէկէրը բանալ և որոնել նորա մէջ մանրամասն բացատրութիւնները: Տանն ես կարդում միայն, որ Անթև Յաղթութեան փոքրիկ տաճարը շատ ժամանակ չէ միայն, որ աւերակներից նորոգուել է, որ լօրդ Էլլինը բրիտանական թանգարանի համար բերել է հրաշալի կարիատներից (caryatide) մէկը, որոնք Էրէխտէյօնի աջ սրահները նեցուկն են կազմում, որ այնտեղ են ուղարկուած պարթէնոնեան ճակատները (metope), որ Էրէխտէյօնում փաշաների հարէմն էր գտնուում և այլն:

Առաջին վայրկենին քեզ համար բոլորը մէկ է, թէ Պարթէնոնը պարզ դօրէական ոճով է շինած, Էրէխտէյօնը և Յաղթութեան տաճարը յօնիական, իսկ Պրօպիլէյում գտնուում են այդ երկու օրդէնների սիւները:

Այս ամենը Աթէնք գալուց առաջ էլ գիտէիր: Այստեղ ամենից առաջ փչում է քեզ վերայ ընդհանուր շունչ, կամ աւելի ճիշտ-հին Ելլադաի հանճարը, և նորա շունչը դու չես ցանկանում ոչ վանել, ոչ վերլուծել: Եւ ահա երևակայութիւնն սկսում է գծագրել, թէ ինչպէս էր Ակրոպօլիսը Պէրիկլէսի ժամանակ, երբ ամեն ինչ իւր տեղն էր, երբ տաճարները գոյութիւն ունէին, որոնց հետքն էլ չէ մնացել այժմ, երբ գոյութիւն ունէր արձանների մի ամբողջ անտառ, երբ Պարթէնոնը կեղեքուած չէր իւր բոլոր զարդերից, երբ նորա սիւնների պսակների վերայ կարելի էր տեսնել Աթէնքի ծագման ձևակերպութիւնը, իսկ միւս կողմից-նորա վէճը Նէպտունի հետ, իսկ Աթէնաս Պրոմաքոսի սաղաւարտը ծովից անգամ երևում էր: Պատկերացնենք մեզ մի որևէ փառաւոր հանդէս. քուրմեր, աւագանիք, զինուորականներ, երաժիշտներ, ժողովուրդ, ոսկեզօծ եղջիւրներով եզներ, որոնց ներս են տանում տաճարների սրբութիւն սրբոցը, ծաղկէ պսակներ և գեղայարմար ծալուածքներով զարդարուած շաշեր: Բայց ես նախադասում եմ պատկերացնել զիշերը և մարմարինի խաղացող լուսնի բաց-կանաչ լոյսը: Մարդ գժուարանում է հաւատալ, որ մարդիկ կարող էին այդ աստիճան առաջ գնալ արուեստի մէջ, բայց հասկանալ կարելի է: Յունական դիցաբանութիւնը ոչ այլ ինչ էր, եթէ ոչ բնութեան ոյժի առջև խոնարհումն, այն է ուղղակի ամենաստուածեան մի աղանդ (panthéisme): Բայց արուեստագէտը յոյնի հոգու մէջ յաղթեց փիլիսոփային, այս պատճառով բանաստեղծները վերացական հասկացողութիւն հազգրին մարդկային մարմնին, մարդկային միտք շնորհեցին նորան, իսկ յետոյ եկաւ ստեղծական արուեստը և այդպիսի հրաշալի քարեայ առեղծուած ծնեց:

Աթէնքը կարողացաւ իւր քաղաքի համար տեղ

ընտրել: Եւ ինչ մակերևոյթ այս բոլոր տաճարների և յուշարձանների համար: Մէկ կողմից ծովն է երևում, որ այստեղի մթնոլորտում շատ մօտ է թւում, միւս կողմից-ամբողջ Ատտիկէն, ինչպէս ափիդ վերայ: Հիմէտի լեռները, նորանից յետոյ Պէնտէլիկոնը, հիւսիսում Պարնասը, իսկ հարաւ-արևմտեան կողմը, Սալամինեան քարանձաւի կողմը, Կափնին: Այս ամենի վերև մշտապարզ երկինքը, և արծիւների սեւ լուսաստուեր ծիրը (silhouette), որոնք մինչև այսօր իրանց ճիշերով ընդհատում են Ակրոպօլիսի հանդիսաւոր խաղաղութիւնը:

Այն տպաւորութիւնները, որ ստանում ես ուրիշ աւերակները տեսնելիս, միայն մի թոյլ ստուեր են այն տպաւորութիւնների, որոնք զարթնում են Ակրոպօլիսը տեսնողի հոգու մէջ: Մնէզիկլին, Իկտինին և Կալլիկրատին ոչ ոք գեռ չէ համեմատուել ոչ Պէրէկլէսից առաջ, ոչ էլ յետոյ: Նոքա ստեղծեցին ոչ միայն Պարթէնոնը, Էրէթստէյօնը կամ Պրօպիլէյն, այլ դոցա հետ բարձրացրին ճարտարապետական վարդապետութիւնը, որին պէտք է հետևէին հին աշխարհի բոլոր ճարտարապետները: Հռովմայեցիք աւելացրին իրանց սեպհական կամարը, կանգնեցին անդրիներ, սահմանների արձաններ, կրկէսներ, բոլորաձև տաճարներ, Ագրիպպասի պանթէոնի նման, — այս է բոլորը: Բայց առհասարակ նոքա հետևում էին իրանց անմահ նախորդներին և նոցա վարդապետութիւնից չէին հեռանում: Նոքա կարող էին Ակրոպօլիսին միայն ծաւալով գերազանցել և իրագործեցին այս մինչև անգամ Աթէնքում:

Ակրոպօլիսից ցած, ժայռի պատառուածքից դէպի արևելք, Իլլիսի վերայ, կանգնած է Ոլիմպեան Իւպիտէրի տաճարը, որ աւարտուեցաւ հազիւ Ագրիանոս կայսեր ժամանակ: Հարիւր քսան սիւններից, որոնց վերայ հաստատուած էր նա, այժմ մնացել են միայն 16, — 13բ

մի ծայրից և երեքը միւս: Այս սիւները իսկևիսկ կորն-  
թեան ոճով են և ունին 6 ոտն. լայնութիւն և 60  
բարձրութիւն: Սա ամենից մեծ տաճարն էր այն դաշ-  
տավայրում, որ ոռոգւում է Կէֆիզով և Իլլիսով: Տիտոս  
Լիվիոն գորա մասին ասում է, որ իւր մեծութեամբ միայն  
դա էր համապատասխանում այն Աստուծոյ մեծութեան,  
որին նուիրուած էր (unum in terris inchoatum pro mag-  
nitudine dei): Եւ շատ էլ հաւանական է, Զևսը, որ ինչ-  
պէս Աթենասի հայր ամեն աստուածներից մեծ էր, ար-  
ժանի էր ահագին տաճարի:

Ես չեմ ասում, թէ Ակրոպօլիսը ստեղծողները ծը-  
նեցին յունական ճարտարապետութիւնը: Նոքա ներ-  
կայանում են միայն իբրև նորա վերջին և ամենաբարձր  
ներկայացուցիչները, հաստատեցին նորա վարդապետու-  
թիւնը, նոյն իսկ նորանով, ինչով Ֆիդիան իւր ժամա-  
նակ էր քանդակագործութեան վերաբերութեամբ: Թէգէոսի  
տաճարը, որ նման է Պարթէնոնին միայն նուազ չա-  
փով, Պարթէնոնից առաջ է կառուցած, նոյնպէս և բազ-  
մաթիւ ուրիշ տաճարներ, որոնցից յետոյ միայն տեղ-  
տեղ միանման սիւներ են մնացել: Այս Թէգէյօնը հը-  
նութեան աւելի լաւ պահպանուած յիշատակարաննե-  
րից մէկն է: Ակրոպօլիսում ամրոց կար, ապա ուրեմն  
նա աւելի է ենթարկուել պատերազմի բոլոր վտանգ-  
ներին, իսկ նոր ժամանակներումս անգամ և ումբակո-  
ծութեան, — Թէգէյօնը կանգնած էր քաղաքի մէջ աե-  
ղը: Նա աւելի շուտով ներքին փոփոխութեան է են-  
թարկուած, որովհետև նորան քրիստոնէական տաճար  
գարձրին և ՚ի հարկէ գէն ձգեցին նորա բոլոր յուշար-  
ձանները: Այժմ պահոււմ են նորանում գածեայ այլ և  
այլ տիպեր և խորաքանդակների մնացորդներ, որոնցով  
երբեմն զարգարում էին ուրիշ տաճարները: Ես ասա-  
ցի, թէ Թէգէոսի տաճարը Պարթենոնն է յիշեցնում:

բայց որովհետև նա գտնոււմ է մի փոքր ինչ բարձր  
անձուկ հրապարակի վերայ, ուստի և մի առանձին աչք  
չլացնող տպաւորութիւն չէ գործում, մանաւանդ որ  
ճաւաղով էլ չափազանց փոքր է: Պարթէնոնը ութն  
մոյթ ունէր ճակատի գծով և տասնևեօթը հաստ կողքի  
գծով, — Թէգէոսի տաճարում կար վեց և տասներեք:  
Վերջապէս, նա այնքան էլ հարուստ չէր, որովհետև  
Թէգէան ակրոպօլեան տաճարի երկու ճակատների պակ-  
ները զարդարեց կիսարձաններով, իսկ բոլոր ճակատնե-  
րը (metope) խորաքանդակներով, — Թէգէոսի տաճարում  
այս զարդերը աւելի պակաս թուով էին:

Թէգէոսի տաճարի հրապարակից երևում են Պնիկ-  
սի ժայռերը: Երբեմն սա ժողովարանի տեղ էր ծառայում:  
Չանագանտեղեր դուրս փորուած քարեայ սանդուխները  
ցոյց են տալիս, թէ ինչպէս էր ամբօխը բարձրանում  
որպէսզի ամենաբարձր դարատափին հասնէր, որտեղից  
կարելի է տեսնել Աթէնքը հէնց քթի տակ, աջ կող-  
մից՝ Մուգէյօն գետը, առջևից — Ակրոպօլիսը: Այդտեղ  
ոչ մի շինութիւն չկայ, երևում են միայն ահագին ամ-  
բիոնի հետքերը, որոնք հնումը Բեմ էին կոչոււմ, և  
որի վերայ նստում էր ժողովուրդը խորհրդակցութեան  
միջոցին: Այս ժայռերը իսպառ զուրկ են բուսականու-  
թիւնից և կատարեալ անապատ են ներկայացնում: Ես  
այնտեղ մարդկային ոչ մի շուռչ չգտայ, քաղաքի աղ-  
մուկն այդտեղ չէ լոււմ և լուութիւնը խանգարում է  
միմիայն բարձունքում ճախրող արծիւների ճիչը:

Այդքան անձայն չէ, բայց նոյնպէս ամայի է և  
արէօպագի գլուխը, որ ընկնում է ակրոպօլեան լերան  
փեշին: Քաղաքի իր մէջ և նորա շրջակայքում էլի ու-  
շաղրութեան արժանի յիշատակարաններ կան, Ադրիա-  
նոսի կամարասրահը, Ատալիի, Ագորի կամարասրահը,  
Հողմերի աշտարակը, Լիզիկրատի փոքր տաճարը, Ադ-






Ճաղարեզեանց Յ. Հայոց լեզու. ա. տ. դասագիրք Հայ ծխ.  
 դպր. համար 1894 . . . . . — 30  
 Սպիրի. Այծարած Մանի. թարգ. Իս. Յարութիւնեանց 1895 — 15

Լուսնայ. գրական հանդէս 1896. ա. գիրք . . . . . 2 —

Բացուած է „ԴԻԻԱՆ ՀԱՅՈՑ ՊԱՏՄՈՒԹԵԱՆ“ ժողովածուի Դ. և Ե. գրքերի բաժանորդագրութիւնը. Դ. գիրքը այս օրերս մամուլի տակ կմտնի: 2 գիրքը արժէ 3 ուրբլի: Դիմել հրատարակչին կամ Կենտրոնական գրավաճառանոցը:



Սոյն 1896 թ. յունուարից հրատարակուած է  
 Տփխխում

**Լ Ո Ւ Մ Ա Յ**

**Գ Ր Ա Կ Ա Ն Հ Ա Ն Դ Է Ս**

Առաջին գիրքը լոյս է տեսնում յունուարի 1-ին, իսկ երկրորդը՝ յուլիսի 1-ին:

«ԼՈՒՄԱՅ» հանդիսի ըաժանորդագինն է 3 ո.  
 Իւրաքանչիւր գիրքն առանձին արժէ 2 ո.

Ս ո ը Մ ա տ ն ն ա դ ա ր ա ն .

Խուլ Խաչիկի պատմ. վէպիկ. Ս. Քամալեանց 1894 . . . — 25  
 Ֆերիզադէի երգը, փորը Ասիայի կեանքից, թարգ. Յ. Լալայեանց 1894 . . . . . — 25  
 Ղարիբ Մշեցի, պատկեր տաճկահայերի ներկայ կեանքից, 1894 — 10  
 Հուրուէյ. Տարերը բնական գիտութեանց, թարգմ. Իս. Յարութիւնեանց Օժանդակ ձեռնարկ Հայ դպր. համար 1894 — 40  
 Ճաղարեզեանց Յ. Վահան Մամիկոնեան 1894 . . . — 40  
 Սպիրի. Արզեան հովիւ. թարգմ. Իս. Յարութիւնեանց 1895 — 15  
 Դիմել Կենդր. գրավաճառանոցը կամ Լուսնայի տնօրէն:



